

無上黃籙大齋立成儀卷之十八

在八

无上黄籙大齋立成儀卷之十八

在六

上清三洞法師李景析立定

三洞法師中靖先生留用光傳授

太上執法仙士蔣叔與重修

科儀門

古法散壇言功儀

修齋日數既畢或用其夜子時或用明日

清旦衆官相率詣元師前立班

次舉唱道讚

次華夏贊引法師參募昇壇念入戶

呪

次從地戶昇天門上十方香

次上御案香呪

次都講唱各禮帥存念如法

次宣五方衛靈呪

次都講唱法鳴鼓二十四通

表八

次三捻香呪

次發爐

无上三天玄元始三炁太上老君召出臣等
身中三五功曹左右官使者左右捧香驛龍
騎吏侍香金童傳言散花玉女五帝直符直

日香官各三十六人出出者嚴裝關啓某處
土地里域真官正神臣今正爾燒香奉爲具
官某修建

无上黃籙大齋三日三夜九時行道事竟言
功願得太上十方正真生氣降流臣等身中

令臣所啓速達逕御

太上無極大道至真玉皇上帝

御前各三禮

次法師與弟子上十方香

次都講唱各稱法位

具位奉行黃籙大齋言功法事臣某等今故

燒香願以是功德上為天子王侯土地官長
經籍度師山林巖栖學真道士同學之人弟
子其所薦亡靈九祖父母存亡兩代眷屬親
緣內外姻族天下人民飛行蠢動一切衆生
今故捨香皈身皈神皈命太上十方靈寶自

在八

二

然至真無上大道特乞赦除前世今世生死
所行宿對重過得免離三惡之道十苦八難
九厄之中身得道真飛行虛空白日升天侍
衛道君逍遙無上金闕七寶自然宮殿永與
道合所啓玄感應聲上御至真無極道前

次都講唱禮十方

至心皈命東方無極太上天靈寶天尊

一拜餘九方同

次都講唱各皈命懺悔

法師長跪懺

臣眾等至心皈身無極大道天尊懺悔齋主
某臣眾等及一切眾生前世今世身形所犯

四肢舉措動違戒律不依經典身業大罪無
量無邊並乞蕩除皆願齋主某臣眾等及一
切眾生身入至仙與道合真稽首禮謝

无上十方正真三寶

一拜

臣眾等至心皈神無極大道天尊懺悔齋主

某臣衆等及一切衆生前世今世心業所犯
志念不專情浮意運馳騁不息心業大罪無
量無邊並乞蕩除皆願齋主某臣衆等及一
切衆生神合真寂洞入自然稽首禮謝
无上十方正真三寶 一拜

在八

三

臣衆等至心皈命無極大道天尊懺悔齋主
某臣衆等及一切衆生前世今世口業所犯
善惡反論綺言飾非華詞惑衆口業大罪無
量無邊並乞蕩除皆願齋主某臣衆等及一
切衆生性命合道玄會無爲稽首禮謝

无上十方正真三寶一拜

次都講唱

臣眾等至心皈命太上三尊十方眾聖禮經

如法

次吟三啓頌三首

次都講唱三禮

次旋行收五方真文隨方讀文畢令

弟子執真文於香上熏之叩齒十二

通呪之

玉訣云凡所祈禳不先叩齒而呪者為外魔所干關啓無

感矣

無上至... 大聖高真... 本以... 二十之天

無上至真 大聖高尊 布化運氣 三十二天

八會九光 自然成文 安鎮天地 保制劫年

元始符命 普告三元 下敕九地 上關諸天

中告海嶽 名山大川 今日上告 萬神咸聞

弟子某乙 修齋行道 拔度幽魂 三官九署

削滅罪根 永度三塗 五苦之源 世世受福

記名丹篇 神生天堂 鍊化自然 生死開度

億劫長存 九天告命 風火驛傳 衆和三聲 出靈寶內

音玉 訣

呪畢置香案上 拜表後隨表焚之 散灰青烟之中

次都講鳴法鼓二十四通高功叩齒

存九炁光華之法

次都講重稱法位李景祈三禮後大

清都儀非古法也

具法位奉行黃籙大齋言功拜表法事臣某

在八

四

等謹重誠上啓

太上無極大道元始天尊太上大道君太上
老君無上玄老十方靈寶天尊已得道大聖
衆至真諸君丈人三十六部尊經玄中大法
師天師君上相上宰四司五帝三界官屬一

切真靈臣等無極之劫因緣至今遭遇大法
真經下世繆荷非分奉受寶文未能超絕世
表匿景幽林長齋苦思以求高蹈而浮沈世
路混同魔俗身口犯違愆過積沓常恐考至
負媿幽明夙夜戰兢形魂罔措誠知罪穢非
念真之人然受法之日約當罄竭愚疑表效
丹誠廣宣慈風讚揚妙化普令一切咸入法
門凡有皈投輒當騰奏今奉詞旨敢不上聞

宣詞

按如詞言在可矜憫臣等輒相攜率依黃籙

簡文威儀舊典於某處靈壇之上設玄科之
式法天象地以某所齋金龍繒絲安鎮十方
本命之信證質丹誠沐浴五體洗心靜念以
今月某日某時為始奉修黃籙拔度大齋塗
炭稽顙燒香轉經然燈續明照耀諸天三日

在八

五

三夜九時行道拔度亡靈某及弟子某家九
祖父母億劫種親幽魂苦爽宿對罪根訖某
日亥時功成事畢澤被存亡恩霑家國酬功
行賞遍及靈司臣等身中所佩內外真官君
將吏兵及所請靈寶官屬監齋衛真天仙地

仙飛仙真人神人日月星宿九宮五帝三河
四海五嶽四瀆兵馬騎乘諸天監齋直事侍
香金童散花玉女五帝直符直日香官傳言
奏事飛龍騎吏一切官屬法籙治職官君將
吏四方監察土地真官三界神祇往來傳奏
監臨衛護宣通召命營衛齋事並有功劳謹
爲拜黃縉朱表一通上詣太上三天曹解壇
遷職復諸天位重明功德表在臣玉案之上
請省表文

次宣表

取表於香上熏之即讀法位
起再拜訖復長跪和聲正氣

讀至弟子名皆令再拜至臣誠惶誠恐處起再拜又至年月日某處拜上

又再拜
展表玉案上以書刀鎮聖號之左朱

筆鎮右畢高功三捻香叩齒三通長

跪遣表敕曰

謹遣臣等身中五體真官官一小吏十二書
佐重敕功曹使者飛龍騎吏嚴裝顯服冠帶
垂纓磨硯點筆簪劔理籙為臣及時操黃素
朱表一通上詣三天曹隨時進對若有謬誤
文字脫漏言詞倒錯不相次比者傳言書佐

習事小吏操龍頭書刀長毫利筆隨誤正定
無今上官典者有所遣却閉口炁升逕上三
天無極大道太上御前謹勿稽停左君歷關
右吏次啓諸官君歷第以次分別當今所請
者下所召者到所濟者度所宣者通所遷者
達所願者應所求者得若有下官故炁邀截
臣表文不使上達者收赴所在近獄依律治
罪以明天憲臣退伏案前伏待報應

在八

六

次收表入函華夏引表下壇

次法師向天門伏地存神呈進如儀

次焚表於天門法師起 舉焚詞頌

次都講唱長跪內官如法

法師三上香叩齒十二通納官

臣奏表事竟建齋之始所出身中功曹使者

一切真官仙君吏兵並還臣等身中從衆妙

門而入在左還左在右還右直使功曹主領

檢押還復本位無令差互須召又到一如故

事叩齒三通咽液三過存三五
上章官吏各復身中再拜

次都講唱長跪還戒如法法師面西
衆官面東

臣等學法未備俯仰之格進止犯科不合儀

式恐為四司所糾五帝所執千愆萬過乞從
赦貫哀原未悟不見罪罰臣等建齋之始奉
請智慧上品十戒法事既竟謁還天宮謹上
啓聞伏祈昭宥臣等誠惶誠恐稽首頓首再
拜

在八

次還戒頌

三禮出三
洞科儀

七

天尊大慈悲

說戒度衆生

威德被幽顯

果報感神靈

諸天來稽首

魔王自來形

過去超八難

見在保千齡

齋福行當息

相共送虔誠

流梵逸雲唱

飛香雜烟馨

瓊鳳乘丹輦 金龍駕綠軒 生死皆快樂
家國悉安寧

次宣山簡

叩齒九通長
跪和雅讀文

宣山簡畢眾官再拜令弟子執簡橫
香烟上高功面東叩齒九通呪曰眾官

同聲
呪曰

玄上開明 元始監真 上帝五老 赤書丹文
天地本始 總領三元 攝炁召會 催促舉仙
高上符命 普告十天 日月星宿 五嶽靈仙
天上地下 溟泠大神 監生主錄 南上三門

關領玉簡 勒名丹編 削落罪書 上補帝臣

^某乙飯憑至道 修齋立功 拔贖九祖 一切苦魂

行道事竟 謹依靈山 請投玉簡 乞削罪名

皆蒙解脫 無有冤親 去離三惡 魂升九天

生死開度 萬劫常存 今日上告 萬神咸聞

請以龍簡 關盟真官 乞如所告 金龍驛傳

次宣水簡 如山簡之儀

宣水簡畢高功面東呪曰

玄始五老 上帝高尊 十方至真 太華靈仙

赤文告命 無幽不聞 上御九天 請下玉文

日月五星 北斗七元 中告五嶽 四方靈山

下告河海 十二泉源 九府水帝 溟泠大神

今日上告 萬願開陳 修齋行道 普為存亡

請贖七祖 宿對罪根 謹投玉簡 乞得上聞

記名水府 過去升天 生死開度 萬神咸聞

在八

八

請以龍簡 告盟水帝 賜如所陳 金龍驛傳

早齋畢 次宣土簡 如山簡之儀

土祇太宣土簡畢高功面東呪曰

天地開張 九炁分靈 三元同符 十方朗清

五老上帝 開真領生 丹書赤文 元始上精

普告天下 九土皇靈 今日上告 萬仙定生

修齋行道 普為存亡 我願我仙 請投玉名

土府太皇 勒除罪形 奏簡上宮 列簿華青

早得飛騰 天地同靈 九祖種親 腐骸更榮

魂升南宮 受化仙庭 今日告命 萬神咸聽

請以金鈕 表明至情 請如所告 金龍驛呈

右三簡呪 出靈寶赤書玉訣

次吟投龍簡頌

次都講唱眾官納職 各於三寶前禮三拜長跪投簡

高功又三拜退畢

次復爐

香官使者左右龍虎君侍香諸靈官當令解
散黃籙齋壇之所自然生金液丹碧芝英百
靈衆真交會在此香火爐前令弟子存亡受
福家國霑恩十方仙童玉女侍衛香烟傳臣

向來所啓逕御

在八

太上無極大道至真玉皇上帝

御前各三禮

次法師上香面東立辭三寶

此杜廣成儀

時留已過日影漸虧香遍虛無鴻鐘息響道

還金闕經入玉函稽首皈依和無上道寶拜一

香隨風散聲入泰清名掛金牌題書玉簡仙

童上記玉女進文稽首皈依和無上經寶一拜

道場圓滿法席周圍一切衆生登無為岸稽

首皈依和無上師寶一拜

願諸衆生諸惡莫作衆善奉行常生中土不

墮邊方六道蒙恩都罷對遍禮十方和得

道真仙一切聖衆一拜

次旋行詠三塗五苦頌下榜出消魔寶真安

志智慧本願大戒經

次吟解壇頌

次吟學仙頌旋行出壇出太極敷齋戒威儀經

次出戶呪

次詣五帝三師監齋三官天師幕玄

師幕謝辭

次華夏引高功歸室

次衆官禮法師三拜長跪謝曰

某等叨佩下風預瞻法事雖遵科戒多有違

愆願垂恕亮三拜

弟子率男女大小詣師九禮三伏謝

某等十曰

某等千生慶會蒙師開度齋功成就生死荷
恩不勝忝切自初迄終觸物短闕願垂開宥
又三拜
受福

无上黃籙大齋立成儀卷之十八



